

Yungsuij:Ciet Bauqva Hozdung Lai Youh Ndeiyawj

融水：花炮节活动精彩纷呈



▲ Gyoengqvunz cang guh vunz ndaw Sihyouzgi guh byaujyenj.

Lungzcouh: Laex Roengz Raemx Ngux Nyied Co'ngux Ruzlungz Doxdax

龙州：端午节龙舟赛下水礼

6 nyied 20 hauh “Bi 2015 Lungzcouh ciet ngux nyied co'ngux ruzlungz doxdax” youq Lungzcouh Yen Sangginh Yangh Sinhgaih Dugouj Hozdung Cunghsinh gawjhengz. Ngoenzde, Sangginh Yangh Doihruzlungz youq roengz raemx doxdax gaxgonq, gawjhengz aen laex roengz raemx, Laex roengzraemx baugvat swiqseuq aen ruz, diemj lwgda, hot va, hoij nding daengj, vih aenruzlungz camgya doxdax haenx gouzfuk. Gij fungsug laex roengz raemx neix youq dangdieg riuzcienz ndaej gig gyaenanz, gyoengqvunz gig yawjnaek.

(Cinz Youjcaiz/陈有才)



▲ Gyoengqvunz youq gyauej aen ruz yaek camgya doxdax haenx diemj yieng gouzfuk.



▲ Gyoengqvunz haenqrengz vad ruz doxdax.

6 nyied 10 hauh, dwg liggaeuq 4 nyied ngeihcib seiq, Yungzsuij Myauzcuz Swciyen Hozmuz Cin gawjbanh daih ngeihcib sam gaiq ciet bauqva, ciengj bauqva, diuq foux-yanghgo, foux lungz, foux saeceij, caijcaz daengj gij vwnzdij cezmuz neix, yinx haujlai bouxyouz daeuj yawjgonz.

Hozmuz Cin ciet bauqva cezmuz lai cungj lai yiengh, miz caijcaz, Heiqgvei, vwnzvangz, fwen, bengcag, foux lungz, foux saeceij, ciengj bauqva daengj.

Gvaq ciet bauqva, dwg geiqniemh Dunghan seizgeiz boux ciengginh Maj Yenz. Dingq-gangj Maj Yenz youq bingzdingh Namzfueng fanjlueh seiz, bae daengz gizlawz cungj

coihlaeb ginyen, ceihleix ndaw ciengz, caux mieng guenq raemx, cienzson gij gisuz senhein reihnaz Cunghyenz, gveihfan cingjleix faplwd diuzvwnz, bang dangdieg cawz bae gij cwncling mbouj ndei haenx, ndaej daengz vunzlai haenhndei. Vunzlai vihliux geiqniemh gij goenglauz hungmbwk Maj Yenz, youq liggaeuq 4 nyied ngeihcib seiq (cienzgangj dwg ngoenzseng Maj Yenz) gawjbanh ciet bauqva.

Seizneix, moix daengz ciet bauqva, gyoengqvunz daih seiq mienh bet fueng daeuj gizneix gvaq ciet, daengx aen cin vunz angqhoh ngoenzciet, nauhyied dangqmaz.

(Liu Swjyenh/廖子渊)



▲ Bouxcoz Yauzcuz angq boq venz.



▲ Ciengj bauqva haenq raixcaix.

Heiqmoegyau Haeuj Hagdangz Caeuq Saunenzgungh

木偶剧目走进学校和少年宫



▲ Gvangjsih Moegyau Gidonz yienj heiqmoegyau 《Vangz Wsiuj》hawj saeseng yawj.

6 nyied 18 hauh, “swnjcienz minzcuz vwnzva. Hengzguh haedsim gyacizgvanh”, gih raeuz heiq maenhndei haeuj ndaw hagdangz haeuj ndaw saunenzgungh cunzyienj hozdung bae daengz Cauhbingz Yen. Ngoenzde, Gvangjsih Moegyau Gidonzcuj bae daengz Vangzyauz Cin Gunghgyauz Yangh Cunghsinh Siujyoz, hawj 1400 lai boux saeseng mienxngaenz byaujyenj le heiqmoegyau 《Vangz Wsiuj》、《Gij Daeuq Boux Gai Vunz》 caeuq siujbinj 《Swnggeiz》. Gij cezmuz minzcuz maenhndei conzdungj vwnzva neix ndaej daengz gyoengq saeseng haenhndei.

(Liuzfeih Vuz Cangzgyauz/刘飞 吴长桥)

Cauhbingz: “Aensim Riengz Dangj” Angqcoux Caetit

昭平：“童心向党”迎七一

6 nyied 17 hauh, Cauhbingz Yen Daih' it Siujyoz hagseng youq ndaw hagdangz yienjciengq diuz go 《Siengjmuengh Cungguk Saek Angjo》. Ngoenzde, Cauhbingz gawjhengz “Aensim Riengz Dangj” ciengq go hozdung, gyoengq lwnyez caez ciengq go maenhndei danqhaenh dangj, danqhaenh guekcoj hungmbwk, danqhaenh Cungguk daegsaek seveicujyi haenx, angqcoux Cungguk Gungcanjdangj laeb dangj 94 hopbi.

(Liuz Feih/刘飞)



▲ Cauhbingz Yen Daih' it Siujyoz Hagseng youq gwnz daizheiq ciengq go.